

欽定盛京通志卷之十一

天章 二

皇上聖製

三陵祭文

祭文

碑文

欽定盛京通志

卷十一

目錄

一

欽定盛京通志卷之十一

天章二

皇上聖製

三陵祭文

祭

永陵文

乾隆八年

仰惟

皇祖瑞啓靈源肇基王迹高山荒作垂景福於無疆積

德累仁裕鴻圖於有永凡我國家萬禩休明之寶

欽定盛京通志

卷十一

天章二

一

祚皆賴

皇祖百年締造之宏規肆是眇躬誕因遺緒睠懷

園寢時切瞻依茲循躬祀之彝章肅舉明禋之鉅典峰

迴長白念

堂構以欽承龍護

鼎湖撫楛棬而惕息伏祈

慈鑒尚

賜居歆

祭

永陵文

乾隆十九年

仰惟

皇祖光啓鴻圖肇基帝業開先裕後詒謀行萬禩之休
道積慶長申錫耀重光之運顯承丕煥繼述遐昌
世德基隆發祥彌永洪規締造念

祖宗創業之維艱篤祜承庥知孫子守成之不易乃者
肅將祀事展禮

橋山當星紀之初周值明禋之再舉松楸在望瞻
闕殿以興思俎豆維馨佇

欽定盛京通志

卷十一

二

二

鼎湖而延企伏祈

慈鑒尚

賜居歆

祭

永陵文

乾隆四十三年

丕圖肇啓高山崇康作之基積悃期申

闕殿切遙追之慕際重熙於奕葉報本彌殷緬再莅於
昔年撫衷猶歉欽惟

列祖詒謀有秩佑緒無疆保世樂天逃矣作求之德錫

光篤慶昭哉對越之嚴昔

皇祖三詣

靈岑致愨而

孝思不匱暨藐躬再修殷薦撫時而僂見如親憶展謁

以迄今廿四載感深霜露凜承庥於永世億萬年

業溯邠岐當時之弧矢毋忘仰

遺弓而肅若此日之

松雲在望奠禋卣以凄然思

積累之維艱纘緒恒勤惕勵幸

欽定盛京通志

卷十一

卷二

三

監觀之孔邇升馨藉達忱誠伏冀

聖慈俯

垂歆格

祭

永陵文

乾隆四十八年

丕圖聿建億齡承

佑啓之恩殷薦虔申遞歲積適追之慕欽惟

列祖樂天保世篤祐凝庥迹

肇始基復舊邦于一旅業

興繼治擴茂緒于三傳高山之敬仰奚窮
翼詒載德明命之光膺有截

宣哲垂猷瞻橫甸之逶迤溯朔而感同過澗蔭神榆之
盤鬱升東而瑞媿扶桑肅修四謁之儀藉展五年
之悃於戲國殷憂而啓

聖艱難開必先之模

天全付以有家積累緬其勤之始尚祈

昭鑒俯

賜居歆

欽定盛京通志

卷十一

天章二

四

祭

福陵文

乾隆八年

仰惟

皇祖仁孝性成智勇天錫靖鯨鯢於朔漠撻伐用張訖
聲教於海隅版圖式廓經營締造致千百國歸懷
恐後之悃忱積德累仁啓億萬年悠久無疆之寶
祚眇躬纘緒念切維新肅舉明禋用申微悃松楸
露列望

弓劍以增悲榱桷雲開撫

几筵而生慕伏祈

慈鑒尚

賜居歆

祭

福陵文

乾隆十九年

仰惟

皇祖智勇天授仁孝性成膺聖武之姿值經綸之會威
張撻伐元功垂大統之基道著柔能景命肇維新
之運

欽定盛京通志

卷十一

天章二

五

天心克享神器攸歸鴻績冠乎古今聲靈動乎天地貌
躬纘緒念切瞻依敬詣

橋陵用申祀典隆儀再舉稔櫛風沐雨之勤勞王氣周
環瞻虎踞龍蟠之勝勢肅

几筵而愾慕望松楸以凝思伏祈

慈鑒尚

賜居歆

祭

福陵文

乾隆四十三年

蘿圖世衍肇基敬溯夫兩京

松巘雲封載謁倏逾乎二紀攄纘承之積企藉馨薦以
申虔欽惟

太祖高皇帝聖武開天英明啓運十三甲始征棟鄂揚
義問以常昭二十萬迅掃明師愴神威而無敵分
旗拓土遂成祖定之勲製字同文誕受維新之命

燕詒無極

鴻構何勤思

創業之多艱披

欽定盛京通志

卷十一

五章二

六

實錄而惕衷倍凜荷

垂庥之有裕跂

橋陵而結戀彌殷自癸甲疊舉精禋展拜每隨泣下緬
遼瀋實遺光宅慕思更與時深爰將盱矚之忱用
達夙宵之悃於戲

隆恩永固瞻

天柱而倍覺穹崇

祖武欽繩撫京邑而長懷

締造伏祈

慈鑒尙

賜居歆

祭

福陵文

乾隆四十八年

膺符啓宇奮百戰以勤貽奠筭抒忱望三宵而戀
結欽惟

太祖高皇帝神明肇運聖武開天十三甲威愴無前指
顧風雲之合五十載徂惟求定

躬親旄鉞之麾稽

欽定盛京通志

卷十一

天章二

七

實錄以摛毫書事則洪規莫罄繪

豐功于載旆披圖而舊蹟長新精禋自癸以重申四至
還逢紀癸光宅法乾而出震億年彌慎朝乾思宗
器之宜陳

冊寶敬分藏鎬邑緬

帝基之垂裕馨香用虔達

軒臺於戲占雲氣於東方統視殷周爲倍正紹

天庥於右序

福借遼瀋以俱長尙冀

恩慈俯垂

鑒享

祭

昭陵文

乾隆八年

仰維

皇祖世德作求用中建極訐謨炳曜鍾奕禩之嘉祥大
烈光昭啓方來之景運揆文奮武億萬年之寶祚
申錫無疆就日瞻雲千百國之人心歸懷恐後載
考彝章肇隆躬祀

欽定盛京通志

卷十一

卷十一

八

珠丘在望瞻松楸以興哀

原廟如新展

衣冠而永慕伏祈

慈鑒尚

賜居歆

祭

昭陵文

乾隆十九年

仰維

皇祖聖德開天神靈繼體鴻基式廓經綸彌宇宙之間

大烈光昭禮樂備皇王之則內修文教外奮武威
億萬年之寶祚宏開千百國之來歸恐後

天人協應中外傾心肆是藐躬誕膺遺緒明禋再舉正
逢星紀之周豐鎬重經彌切枌榆之感

珠丘在邇思

冠劍以興懷

寢廟常新肅

几筵而景慕伏祈

慈鑒尚

欽定盛京通志

卷十一

天章二

九

賜居歆

祭

昭陵文

乾隆四十三年

丕圖敬紹艱難思啓宇之年夙悃長縈盤薄企鍾
靈之壤惟吉蠲之是享庶

陟降之非遙欽惟

太宗文皇帝創業詒謀乘時繼志東都式廓席

前勲而瑞璽初膺南漢徂征揚我武而堅水徑渡既大

畏小懷之悉協肅凜冠裳爰

王謨帝典之攸昭申嚴法守緬昔者杏松轉戰摧枯之
烈猶新閱藐躬癸甲升禋追遠之誠倍篤

山瞻隆業鬱蔥連十里城闔路指興京愾慕又兩週歲
紀儀載循乎仲序感益切於

肇基於戲

弓劍如臨定

鑒臥碑之勒訓

几筵在望還憑雕俎以攄忱伏冀
恩慈

欽定盛京通志

卷十一

五章二

十

俯垂歆格

祭

昭陵文

乾隆四十八年

山瞻

隆業鬱蔥培王氣之原世戴
詒謀盱嚮致孝思之感欽惟

太宗文皇帝創垂裕後繼述乘時北收蒙古之全疆東
服朝鮮之故壤掃杏松之堅壘

睿略如神擴凌錦之提封赫聲倍震撫

軒弓於實勝宣威遵騎射之精啓

堯服於長寧由舊謹衣冠之制屬重鑄夫

冊寶陪京式永尊藏肅四展夫

松楸禋卣藉申優愾於戲勒

訓詞于後嗣臥碑將萬葉爲昭追

戰蹟于當年立仗則二龍在御庶幾饜格

饗見忱誠

祭文

祭長白山神文

乾隆八年

維

神天作崇高地鍾靈秀巍峩有象自著神奇寥廓無
垠獨涵清淑緬發祥之所自知延祚以無疆朕纘
受丕基撫臨寰宇每切淵冰之懼時深水木之思
茲當御極八年聿展謁

陵鉅典維庶徵之協應爰羣祀之交修特遣耑官用昭
殷薦

欽定盛京通志

卷十一

卷二

十三

神其默鑒來格來歆

祭遼太祖文

乾隆八年

朕君臨九有睠念前猷凡歷代之陵園必勤護視
况遼陽之墟里尤切懷思故每發德音常行昭告
卽暫焉駐蹕亦肅明禋今茲御極之八年聿舉謁
陵之鉅典維

遼太祖奮迹燕雲垂聲朔漠想英明之有素知靈爽
之常存典冊時披前徽俱在山陵入望遺跡依然
特遣耑官用申肅薦修一時之俎豆賁異世之松

楸

神其鑒茲格思無斃

祭克勤郡王文

乾隆八年

粵維體國必資屏翰酬庸首自親賢惟王為王室
之英材作天家之良佐遵循

廟算奉揚國威屢彰克敵之功聿著經邦之略朕緬懷
祖德追念舊勲稽往牒而可徵汗青紀績布長筵以展
祀圭瓚流馨靈克有知尚其鑒格

祭功臣揚古利文

乾隆八年

欽定盛京通志

卷十一

天章二

十三

維國家之肇造資豪傑之景從每覽簡編嘗深慨
想惟爾功臣揚古利經邦元老翼運英姿出總兵
戎入叅帷幄能忘身而為國實資孝以作忠託肺
腑之至親建旗常之偉績朕纘承大業親謁

祖陵既申覲光揚烈之懷並舉崇德報功之典用頒祭
醴式布几筵儼壯氣以如生緬成勞之未泯凡茲
優渥尚克歆承

祭功臣額亦都文

乾隆八年

我

太祖功被蒼垠德尊黃幄溯自發祥之始實資開國之
勲維爾功臣額亦都戰輒冠軍心惟報國摧枯拉
朽則目無堅城啟宇開疆而胸餘勝算奮志風雲
之表馳聲日月之旁鐘鼎泐銘偉績已標於曩昔
几筵布告鴻恩再沛於斯時垂史冊以長存想徽
猷而未遠靈其歆饗悉此褒榮

祭功臣費英東文

乾隆八年

朕眷懷勲舊篤念賢勞維爾功臣費英東盡力

先朝宣威外閩性成鯁亮術裕韜鈴經文緯武之兼資

欽定盛京通志

卷十一

天章二

十四

附鳳攀鱗而奮迹夙號萬人之敵聿彰九伐之勲
茲因六御親巡特此一樽致奠追維

祖烈爰思佐命之功遠想英風式勵効忠之志爾靈不

昧尚克來歆

祭長白山神文

乾隆十九年

維

神極天比峻鎮地無疆象著巍峩表神奇於瑞應勢
雄寥廓秉清淑於扶輿鍾王氣之鬱葱休徵畢集
奠坤維而鞏固厚德彌貞緬帝業之肇基荷山靈

之篤慶朕纘承丕緒臨撫寰區念凝命之無窮溯
發祥之有自肇稱殷禮時已越乎十年載考彝章
禮更行於茲歲恭展謁

陵之鉅典兼修望秩之隆儀躬薦明禋用申祇敬惟冀
根蟠靈壤冠五岳而畢集庥嘉彩煥鴻圖亘萬年
而永安磐石

神其默鑒來格來歆

祭北鎮醫巫閭山文

乾隆十九年

維

欽定盛京通志

卷十一

天章二

五

神封自虞廷屹爲北鎮建遼陽之屏障厚德常貞鍾
渤海之靈奇祥符丕著緬肇基之王迹懷天作之
神功朕纘述鴻圖撫臨區宇望高山而仰止景慕
維殷修吉禮以告虔彝章再舉恭展謁

陵之鉅典重稽秩祀之隆儀惟靈貺之祇承得庶徵之
協應敬陳芬苾虔薦牲醪

神其式臨默爲昭格

祭遼太祖文

乾隆十九年

朕君臨寰宇睠念前王紀功德於曩編每深景慕

考謨猷於故里載契光型既遺烈之爲昭宜明禮
之特舉茲以重循彝典爰啓吉行祇謁舊京興懷
往代惟

遼太祖燕雲創業朔漠騰聲闢土開疆一代之英名
首出宣威佈惠千秋之靈爽常存特布牲醪用申
肅薦虔陳俎豆期明德之維馨光賁琬琰儼鴻規
之在望

神其鑒格歆此苾芬

祭賢王祠文

乾隆十九年

欽定盛京通志

卷十一

天章二

十一

朕惟風雲翊運明德首建懿親鐘鼎銘勲宗功聿
推元祀綸綍致專祠之禮念篤前勞烝嘗隆備物
之儀事踰恒典惟王等忠貞素植果毅性成屏翰
初分遂作長城之寄桐圭旣剖克宣專闡之威或
握奇運籌勝決千里或披堅執銳勇冠三軍靖苞
蘖於中原掃氛霾於四野用能匡扶締構翼贊經
綸嘉績懋乎

先朝聲稱著乎來許朕載巡舊里言考

遺謨橐矢戢千鞏億載太平之業櫛風沐雨緬當年百

戰之動矧在宗傑之壯猷實切予衷之景慕遙觀
曼碩用布苾芬於戲帶礪河山展親與酬庸並重
旗常日月後先偕疏附同垂松栢有槩式煥維新
之象桂樽旣飭彌深由舊之懷靈其有知尚克歆
格

祭遼太祖文

乾隆四十三年

朕撫馭寰區興懷往迹備參稽於史牒偉略爲昭
勤保護於陵原明禋罔斃矧遼陽之故壤尤豐邑
之初基惟

欽定盛京通志

卷十一

天章二

十七

帝創業東方宣威中土聲騰木葉十六州胥隸版圖
瑞應金鈴二百祀茂延統緒緬英明於在昔知靈
爽之常存茲以恭謁

橋山心儀垣寢遺徽式仰松楸增異代之光潔薦斯陳
芬苾肅專官之典

神其鑒只冀克歆予

祭北鎮醫巫閭山文

乾隆四十三年

上

陵典鉅兩修告祭於司存秩祀躬親始愜展忱於仰止

式隆規而致敬駐清蹕以升馨惟

神雄峙冀方靈鍾尾野六重掩抱千尋埒恒嶽之尊
三水飛流百里俯滄溟之邇接鬱葱於長白王氣
扶輿奠純固於東丹雲峯拱極昔歲塗循紫塞嗟
峨遠跂層椒今茲路出嚴關肅穆先瞻邃宇冀欽
承夫靈貺聿增方望之儀緬靜鎮于神臯特舉庶
懸之典

神其昭格鑒是苾芬

祭長白山文

乾隆四十三年

欽定盛京通志

卷十一

卷十一

六

維

神安土常敦極天比峻闢門俯注鴨江實濬靈源布
庫東蟠鵠果宏昭瑞應仰坤維之式奠悠久無疆
緬

王迹之肇基誕興有自朕寅承統緒永憶艱難撫茲磐
石之模敢忘

作山之烈儀隆望祀會展敬於重臨慕切深禋已淹時
於三紀爰卜清秋之吉載抒盥薦之忱祇告

靈岑聿循令典惟冀貞符丕煥並五嶽以延祥景祚遐

昌亘億齡而翊運

神其默鑒尚克來歆

祭松花江神廟文

乾隆四十三年

恬波永賴障東分鴨綠之支王氣攸鍾拱北衛龍

興之脈作廟聿彰夫輪奐展誠宜薦以馨香惟

神秉德靈長導源峻極承闢門而奔注二派交馳遶

邊部以朝宗百泉遠滙緬

創垂之

駿烈安瀾慶億萬斯年覘縈抱於巖城淨練亘三千餘

欽定盛京通志

卷十一

天章二

五

里既久稽乎秩祀爰特飭夫鳩工棟宇鼎新式妥

憑依之宅几筵升侑遙通肝鬲之忱

神其默協滋生宏昭順應崇儀肇舉益符川至以凝

庥景運綿延常並山高而致享庶茲歆格勿替虔

禋

祭渾河神廟文

乾隆四十三年

濬源納魯靈長溯白嶽之神衍派英峩迤演永

丹邱之脈衛陪都而帶繞式懋垂庥作新廟以翬飛宜

隆肇祀維

神績施東土祥著西流鞏護萬年台大梁而滙注縈
迴千里達句驪以朝宗仰

偉伐於初基

勤思涉渭覽恬波於舊國澤緬

詒豐朕展謁

橋陵虔崇邃宇值落成而告備爰秩祀以升馨典洽懷
柔冀休嘉之默荷誠昭妥侑期盥饗之潛孚尚克
欲承鑒茲芬苾

祭巨流河神廟文

乾隆四十三年

欽定盛京通志

卷十一

卷二

三

雙源遠引恬波徵効順之符四望增修肇祀肅薦
馨之典啓潤旣彰夫勝蹟展誠宜飭夫專祠惟
神稟德靈長施功溥洽輸脈自鄧村以北派合西來
通支當鐵嶺之南績宏東注奠安流於沃壤彌覘
襟帶之雄資利涉於名津共慶舟梁之便念麻徵
之顯著爰美報之虔申用鳩將作之司祗崇棟宇
特舉維新之祀恪奉几筵

神其盥饗時通滋生普被攬璇題之煥采式鑒懷柔
眷雕俎之升香丕昭孚佑庶其歆格勿替精禋

祭遼太祖文 乾隆四十八年

維

帝創勝中原肇基東土奮琫戈而創業八部威揚誌
金箭以恢疆五京勢鞏仰英靈其如在知神武所
由興朕四謁

橋山載懷陵邑緬規模於締造史牒詳臚景功德之昭

垂苾芬永祀爰循舊典遣告明禋鑒此潔蠲

神其歆格

祭北鎮醫巫閭山文 乾隆四十八年

欽定盛京通志

卷十一

卷十一

三

惟

神位鎮冀方功齊恒嶽緬肇封之典望著虞廷叅列
宿之精祥鍾尾野永作嚴關之障勢拱幽燕長資
靜鎮之床基凝東北湖昔三申盥薦會抒仰止於
明禋越茲四度經臨復展升馨于遼宇

神其右饗庶克惟馨

祭長白山文 乾隆四十八年

惟

神德秉安敦功參峻極坤維式奠靈長疏鴨綠之原

王迹肇基純固護龍興之脈溯

作山之餘烈順應無疆隆望祀以垂庥默欽有相憶昨
鑿經三駕典飭司存迨今瞬閱五秋忱殷仰止明
禋申薦尚克歆承

祭渾河神廟文

乾隆四十八年

惟

神澤著西流功施東土合大梁以滙注靈長千里而
遙達句驪而朝宗襟帶兩京之外覽恬波于卜澗
溯

欽定盛京通志

卷十一

卷十一

三

偉伐于胥原昨以展謁

橋山因之虔崇遂字明禋告備會紀蹟于豐碑清蹕載
臨爰升馨于雕俎用申昭告尚克鑒歆

祭巨流河神廟文

乾隆四十八年

惟

神德秉靈長澤施溥洽到海而會同千里有委有原
入邊而濬發雙流屢分屢合曩以蹕途蒞止飭啓
專祠茲因鑿輅經臨載陳芳薦惟冀媿流泉于幽
土清晏常昭培遠脈于

珠邱基圖式鞏庶其歆格勿替精禋

祭太子河神文

乾隆四十八年

惟

神派分葦峪潤接驪河瞻薩穆以尋源自斡羅而通
道茲以陪京展謁蹕路經臨式懷孚佑之靈宜肅
明禋之薦溯昔楸車

薄伐波臣助囊土之功泊乎綿甲前驅鬪士賈奪橋之
勇震先聲于虎驛聞湧銀濤渡勁旅于龍驤濠翻
雪浪曩日金城鞏建尚虛秩祀之文卽今雕俎虔
申特重專員之典庶歆芬苾俯荅休嘉

碑文

渾河神廟碑文

渾河神廟者乾隆四十三年勅有司之所崇建也
英峩北繞納魯西流縈迴千里之遙演迤

三陵之側長源作帶梁河異派以同瀾靈脈扶輿遼澤
滙趨而赴壑抱

龍興之初地衆水雲從翊鳳舞之陪都恬波鏡淨溯昔
造邦

捷伐瀕河則諸部先除泊夫

欽定盛京通志

卷十一

天章二

十四

作邑經營乘溜則羣材勝用入夜而聯魚陳爰申巴勒
達之誅征明而渡龍驤遂奏瀋陽城之捷朕展巡
邠土敬謁

橋山緬

詒燕於

宗功默欽有相飭升馨于蹕路乃詔司空鳩工象闕之
東輦翥鵬霄之上百泉媲美胥原之流澤孔長兩
載落成卜澗之垂庥有裕鑄之翠琰煥以丹綸由
地中行益輦諸萬萬禩如川方至用弼我不丕基

巨流河神廟碑文

雙源濬發東西溯遠派之連三汊會同內外綜全
遼之勝廣滋涵于奧壤禮洽無文宏利涉於鳴鸞
祐昭有秩惟巨流之演漾襟京邑之浩穰象儷天
津靈疏地脈左通白嶽克爾素北繞以同趨右接
潢河科爾沁南來而並軌屢分屢合入邊之支絡
可尋有委有源到海而朝宗是戢安市襄平之故
蹟注釋雖疎句驪枸柳之殊稱波瀾莫二我國家
龍飛出震燕翼詒豐

欽定盛京通志

卷十一

天章二

三五

太宗文皇帝創築開城控洪波而屹鎮

聖祖仁皇帝肇興海運資通漕以將輸朕三謁

珠邱再過鏡涘緬百年之澄晏

祖澤長欽輦億禩之基圖

鴻功斯溥粵以乾隆戊戌秋勅建新祠逮庚子冬司
工告竣俯臨浩瀚高挹峻嶒擇爽塏以栽基飾棟
榑而妥祀當日師行枕席靡唐宗薪土之勞今茲
渡穩舟梁兼鎬邑田疇之利帝鄉賽報歲時之盼
嚮潛孚王氣扶輿輔甸之靈長永護

欽定盛京通志

卷十一

天章二

三

欽定盛京通志卷之十一